



1913-yil aprel oyidan chiqarilgan



www.zarnews.uz



https://www.facebook.com/zarnews.uz



@zarnews\_uz



https://twitter.com/zarnews\_uz



YTTB Samarqand anjumani:

## ASOSIY E'TIBOR "YASHIL" IQTISODIYOTGA QARATILADI

16-18-may kunlari Samarqandda Yevropa tiklanish va taraqqiyot banki Boshqaruvchilar kengashining 32-yillik yig'ilishi o'tkazildi.

Sammit ishida Yevropa tiklanish va taraqqiyot banki prezidenti, Yevropa Komissiyasi vitse-prezidenti, YTTB Boshqaruvchilar kengashi raisi, xorijiy hukumatlar, yetakchi transmilliy korporatsiyalar va sanoat xoldinglari, xalqaro moliya institutlari va banklar rahbarlari, shuningdek, dunyoning 70 mamlakatidan iqtisodiyot, investitsiya, moliya, innovatsiya sohasi ekspertlari va tahlilchilari, fuqarolik jamiyati faollari, ommaviy axborot vositalari xodimlari — jami 2,5 mingdan ziyod ishtirokchi qatnashdi.

O'zbekiston Respublikasi Prezidenti Shavkat Mirziyoyev 17-may kuni Boshqaruvchilar kengashining yig'ilishida ishtirok etdi va nutq so'zlandi.

Davlatimiz rahbari olti yil muqaddam boshlagan qat'iy islohotlarimiz natijasida mamlakatimizning qiyofasi butunlay o'zgarib, dunyoga keng ochilayotgani, bugun Yangi O'zbekiston barcha sohalarda xalqaro hamkorlik uchun tayyorligini ta'kidladi.

Xalqaro anjumaning uchinchi kuni ham tomonlar uchun birdek manfaatli jihatlarini nazarda tutgan qator tadbirlar o'tkazildi.

Ayniqsa, Markaziy Osiyo mintaqasi, xususan, respublikamiz iqtisodiyotini yanada yuksaltirishga xizmat qiluvchi "O'zbekiston kapital bozorining rivojlanishi", "O'zbekiston banklari transformatsiyasi va banklarimizni xususiy lashtirish jarayoni" sessiyalari mutaxassislarda katta qiziqish uyg'otdi.

Boshqaruvchilar kengashi majlisi yakunlari bo'yicha o'tkazilgan matbuot anjumanida YTTB prezidenti Odil Reno-Basso xonim Samarqand anjumanini yuqori saviyada tashkil etilganini yuk-

sak baholab, buning uchun O'zbekiston rahbariyatiga minnatdorlik bildirdi.

O'tgan yilgi faoliyatimiz sarhisobida dunyo bo'ylab mamlakatlarga rekord darajada investitsiya kiritganimiz ko'rinadi, — dedi Odil Reno-Basso. — Ayniqsa, energetika, "yashil" iqtisodiyot, oziq-ovqat xavfsizligi yo'nalishlariga ajratgan sarmoyamiz salmoqli bo'ldi. Kelgusida ham ushbu yo'nalishlar ustuvorligi saqlab qolinadi. Iqtisodiyot barqarorligini ta'minlash uchun investitsiyaning 50 foizi "yashil" iqtisodiyotga yo'naltiriladi.

Samarqand mezbonlik qilgan Boshqaruvchilar kengashi yig'ilishi doirasidagi barcha uchrashuvlar, sessiya va munozaralar muvaffaqiyatli o'tdi. Boshqaruvchilar kengashi bankimiz tarixidagi eng salmoqli kelishuvlar jamlanmasini imzoladi. Bu hujjatlar biz bilan ishlayotgan va tashqi hamkorlarimiz hisoblangan davlatlarga tegishli uch asosiy yo'nalishni qamrab oldi.

Umuman, uch kun davomida Yevropa tiklanish va taraqqiyot bankining 32-yillik yig'ilishi doirasida o'tkazilgan ellikdan ziyod tadbirda YTTB ishtirokida amalga oshirilayotgan loyihalar hamda kelgusi vazifalar, boshqa xalqaro tashkilot va tuzilmalar bilan hamkorlik, dunyodagi geosiyosiy vaziyatdan kelib chiqib, mamlakatlar iqtisodiyotini rivojlantirish, fuqarolik jamiyati institutlari rolini oshirish kabi muhim masalalar muhokama etildi. O'zbekistonda biznesni yo'lga qo'yish va rivojlantirish uchun yaratilayotgan qulay imkoniyatlar, jozibador investitsiya muhitiga oid ma'lumot berildi, taqdimotlar o'tkazildi. Ko'plab vazirlik, idoralar, moliya muassasalari tomonidan har tomonlama manfaatli kelishuvlarga erishildi.

## IQTISODIY HAMKORLIK KENGAYADI

O'zbekiston Respublikasi Prezidenti Shavkat Mirziyoyevning 18-19-may kunlari Xitoy Xalq Respublikasiga davlat tashrifi chog'ida viloyat hokimi Erkinjon Turdimov Shensi provin-siyasi gubernatori bilan Shensi va Samarqand viloyatining besh yilga mo'ljallangan iqtisodiy hamkorligi bo'yicha bitimni imzoladi.

Viloyatimiz Xitoyning Shensi provinsiyasi bilan birodarlashgan hudud maqomida iqtisodiyot, madaniyat, turizm, ilm-fan sohalarida aloqalarini yo'lga qo'yg'an. Bu munosabatlar keyingi yillarda ancha rivojlandi. Kelgusi besh yillikka mo'ljallangan bitim esa aloqalarni yangi bosqichda davom ettirishga asos bo'ladi.



## Xalqaro forum ishtirokchilari qadim shaharda

18-may kuni poytaxtimizda o'tkazilgan "Kambag'allikni qisqartirish bo'yicha ilg'or tajribalarni hayotga tatbiq etish" mavzusidagi II Xalqaro forumi qatnashchilari Samarqandda bo'ldi.

Viloyatda kambag'allikni qisqartirish va aholi bandligini ta'minlashda amalga oshirilayotgan ishlar bilan tanishtirish maqsadida forum ishtirokchilari uchun Samarqand shahridagi "Ishga marhamat" monomarkaziga sayohat tashkil etildi. Markazda kasb-hunar o'rganuvchilar uchun yaratilgan sharoitlar delegatsiya a'zolarida katta qiziqish uyg'otdi.

Qisqa muddatda ishsiz aholiga, ayniqsa, xotin-qizlarga hunar o'rgatib, ish bilan ta'minlashda bu kabi markazlar faoliyati juda muhim, — deydi pokistonlik ekspert Zulfiqor Ahmad. — Xususan, mamlakatingizda mavjud, dunyodagi noyob tuzilmalardan hisoblangan mahalla institutida bu tajriba o'z samarasini beradi. Qolaversa, markazda ish beruvchilarning talabi asosida yo'nalishlar tashkil etilayotgani e'tiborli. Shu bilan

birga, sohaning bugungi muhim bir talabini ham aytib o'tishim kerak. Bugun har bir sohada texnologiyalarning o'rni ortib boryapti. Kasb-hunarga o'qitishda ham aynan mana shu jihatga ko'proq e'tibor qaratish lozim, deb o'ylayman.

Muloqot davomida xalqaro ekspertlar markaz o'qituvchilari bilan o'z tajribalarini o'rtoqlashdi. Markaz tinglovchilari sohaning yetuk mutaxassislaridan maslahatlar oldi.

Delegatsiya a'zolari shuningdek, Konigil turizm qishlog'ida bo'lib, bu yerdagi qo'l mehnatiga asoslangan qadimiy hunarmandchilik ishlari bilan tanishdi, "Ipak yo'li" xalqaro turizm markazi hamda qadimiy obidalarni tomosha qildi.

Sulaymon MARDIYEV,  
Alisher ISROILOV (surat).



## Indallosini aytganda...

Ismoil SAIFNAZAROV,  
falsafa fanlari doktori,  
professor:



- Bugun Uchinchi Renaissance poydevorini barpo etishni maqsad qildik. Ma'rifatli insonga ma'lumki, jamiyat taraqqiyoti asosini ilm-fan, ta'im-tarbiya, san'at, adabiyot, yangi texnologiya, innovatsiyalar tashkil etadi. Ilm-fanni esa, albatta, o'qituvchi, ustoz o'rgatadi. Ta'lim-tarbiya ishini yuqori darajaga ko'tarmoqchi bo'lsak, birinchi navbatda, muallimlarning ijtimoiy maqomini ko'tarishimiz kerak.

## Okrug saylov komissiyalari tarkibi tasdiqlandi

O'zbekiston Respublikasi Markaziy saylov komissiyasining 2023-yil 19-maydagi qarori bilan muddatidan ilgari O'zbekiston Respublikasi Prezidenti saylovini o'tkazuvchi okrug saylov komissiyalarining shaxsiy tarkibi tasdiqlandi.

Jumladan, viloyatimiz chegarasi doirasida tuzilgan 7-Samarqand okrug komissiyasi tarkibi quyidagicha:

### RAISI

Muhammadiyev Xo'jaqul O'tayevich - Samarqand davlat birlashgan tarixiy, me'moriy va badiiy muzey-qo'riqxonasi bosh direktori

### RAISING O'RINBOSARI

Yakubjonova Dilfuza Qodirovna - Toshkent axborot texnologiyalari universiteti Samarqand filiali o'quv ishlari bo'yicha prorektori

### KOTIBI

Toshniyozov Otabek Polvonovich - "Kamalak invest tekstil" mas'uliyati cheklangan jamiyati paxta to'qimachilik klasteri yuridik bo'limi boshlig'i

### A'ZOLARI

Husanov Diyor Sheraliyevich - O'zbekiston Respublikasi Oliy Majlisining Inson huquqlari bo'yicha vakili (ombudsman)ning Samarqand viloyati mintaqaviy vakili

Hakimov Umid Akobirovich - "Hunarmandlar" uyushmasi viloyat boshqarmasi boshlig'i

Negmatova Shaxzoda Shuhratovna - Sharof Rashidov nomidagi Samarqand davlat universiteti yoshlar masalalari va ma'naviy-ma'rifiy ishlar bo'yicha birinchi prorektori

Boboyev Sarvar Boltayevich - Yoshlar ishlari agentligi viloyat boshqarmasi boshlig'ining o'rinbosari

Nazarov Sanjar Nasriddinovich - viloyat "Toza hudud" DUK rahbari

Sultonov To'liqjon Ibragimovich - "O'zbektelekom" aksiyadorlik kompaniyasining Samarqand filiali direktori

Mo'minova Gulrux Komilovna - viloyat "Zarafshon" va "Samarkandskiy vestnik" gazetalari birlashgan tahririyati maxsus muxbiri

Ashurov Shahobiddin Saidovich - Samarqand davlat chet tillar instituti ilmiy ishlar bo'yicha prorektori

Yarmuxamedova Nargiza Anvarovna - Samarqand davlat tibbiyot instituti o'quv ishlari bo'yicha prorektori

Kenjayeva Nargiza Quvvatovna - viloyat nar-kologiya dispenseri bosh shifokori

Gaffarova Zilola Hamidovna - aksiyadorlik tijorat "Xalq banki"ning viloyat filiali boshlig'ining o'rinbosari

Oqbo'tayev Oybek Xolmuratovich - viloyat iqtisodiyot va moliya bosh boshqarmasi boshlig'ining birinchi o'rinbosari

O'roqova Madina Toshpo'latovna - Samarqand davlat veterinariya meditsinasi, chorvachilik va biotexnologiyalar universiteti qoshidagi akademik litsey direktorining ma'naviy-ma'rifiy ishlar bo'yicha o'rinbosari

Rustamov Latif Botirovich - viloyat sanitariya-epidemiologik osoyishtalik va jamoat salomatligi boshqarmasi boshlig'ining o'rinbosari

Xonkeldiyeva Feruza Musayevna - "Tadbirkor ayol" O'zbekiston ishbiarmon ayollar assotsiatsiyasi viloyat bo'limi raisi

O'rolboyev Bekzod Xalibayevich - viloyat kasaba uyushmalari tashkilotlari birlashmasi raisining o'rinbosari

Saidmurodova Nargiza O'ktamovna - viloyat axborot-kutubxona markazi direktor o'rinbosari

Shukurova Nafosat Isomiddin qizi - Samarqand tumanidagi 1-umumta'lim maktabi o'qituvchisi.





